



07187



叢

編

景倂署檢

武

林

光手

故



癸未秋八月嘉

惠堂丁氏鏤版

武林掌故叢編目錄

第一集

御題乾道臨安志三卷

宋周深撰

御題都城紀勝一卷

不著撰人名氏

錢唐西湖百詠一卷

宋郭祥正撰
附楊公濟原唱一卷

錢唐先賢傳贊一卷

宋袁詔撰

古杭雜記一卷

元李有撰

古杭雜記詩集四卷

不著撰人名氏

西湖韻事一卷附不繫園集隨喜庵集二卷

明汪汝謙撰

流香一覽一卷

國朝釋明開撰

武林掌故叢編 第一集

理安寺志八卷

國朝釋實月撰

廣福廟志一卷

國朝唐恆九撰



欽定四庫全書總目

乾道臨安志三卷

浙江孫仰曾家藏本

宋周淙撰淙字彥廣湖州長興人乾道五年以右文殿修撰知臨安府創爲此志原本凡十五卷見宋史藝文志其後淳祐閒施鏐咸淳閒潛說友厯事編纂皆有成書今惟潛志尙存鈔帙周施二志世已無傳此本爲杭州孫仰曾家所藏宋槧本卷首但題作臨安志而中間稱高宗爲光堯太上皇帝稱孝宗爲今上紀牧守至淙而止其爲乾道志無疑惟自第四卷以下俱已闕佚所存者僅什之一二爲可惜耳第一卷紀

乾道臨安志提要

一

宮闕官署題曰行在所以別於郡志體例最善後潛志實遵用之二卷分沿革星野風俗州境城社戶口廨舍學校科舉軍營坊市界分橋梁物產土貢稅賦倉場館驛等諸子目而以亭臺樓觀閣軒附其後敘錄簡括深有體要三卷紀自吳至宋乾道中諸牧守詳略皆極得宜淙尹京時撩湖浚渠頗留心於地利故所著述亦具有條理今其書雖殘闕不完而於南宋地志中爲最古之本考武林掌故者要必以是書稱首

焉

武林掌故叢編序

歲功告成積四序而馴致經術飾治非一士之奮庸約資於博求道半矣識而能畜著書類然況於地志斷自建寅洎乎日諛積人成世積事成治察來稽往舉此例彼尋其端緒動觸疑殆所傳聞之代不如所聞之代之謦欬猶新也聞而知之者又不如見而知之者之記載較塙也是豈一夫室中之說耳目所及緣隙奮筆嚮壁虛造所可據爲信史哉武林吳越南宋閒一大都會也源夫郡邑之沿革山川之望榮城郭壇廡之變遷隄隄溝渠之廢復物產風土之美惡

武林掌故叢編序

一

官私纂述詞語百車掎摭利病繁然錯出視旁近中下州文物眈然間見僻左之區奚啻數倍是皆守土之責勤求民事者所宜剴心焉然非分門編類載之汗青前事可師勒成一典則後來者無所考鏡而發其憤悱裨益修前人之成功而補其闕憾至若伽藍牽波古金樂碣伏臘歲時名賢冢宅跪斛片石葢頭一茅雖無關於盛衰抑亦文人學士不得於時者之所流連懷古陶鑄性靈標物外之真游寄窮年之勝賞者也前賢染翰各自成書丁君聚疇都爲彙刻蓋將以備補圖經考郡故者之伐山鬻海焉其嘉惠匪

細矣然莫爲之前後賢雖空廣續哀輯而無所資莫爲之後前賢雖有苦心妙墨終歸蠹落作者既非一手簪集復艱且勤殆相得而彌章哉近日阮文達謝蘊山章實齋諸公論修方志於菽文門最所注意經史子集四日之前必冠以舊志及凡關涉一方掌故之書使載筆者述事信而有徵擇言典而不陋是編蓋師其意別開叢書家面目傳曰九能之士山川能說吾竹舟主政松生徵君有焉光緒九年歲在癸未六月桐廬袁昶譔

武林掌故叢編序

二

武林掌故叢編序

周禮訓方氏掌誦四方之傳道注謂世世所誦說往古之事也然則古者四方各有所傳道之事意亦必編輯成書秦火以後不可復見耳綠竹猗猗知衛地淇澳之產在其版屋知秦野西戎之宅易曰君子以慎辨物居方居方而不辨物君子恥之武林爲東南大都會山川之秀人文之美都邑之盛海內想望若天堂然唐杜光庭著洞天福地嶽瀆名山記而又著西湖古蹟事實二卷可知武林之勝與洞天福地嶽瀆名山等矣自宋以來著述益夥如宋人何澹之武

武林掌故叢編序

一

林錄周密之武林舊事楊德之武林聞見錄明人馮廷槐之武林近事邵穆生之武林內外志蘇文定之武林聞見異事其書或傳或不傳而從未有薈萃諸家之書爲一巨編者則吾於錢唐丁氏之書歎觀止矣丁氏藏書之富甲於大江以南雖宋錢氏書藏無以踰之長公竹舟次公松生又皆博聞彊識敦行不怠之君子也自以生長武林尤留意是邦掌故今年秋示余武林掌故叢編十集每一集爲書十種疆域之形勢耆舊之言行民俗之沿習物產之流通儒林文苑之所傳留僧廬道觀之所緣起無不見於此編

盛乎哉兩丁君之用心乎自庚申辛酉之亂縹囊細
帙半付劫灰承平以來蒐訪遺文存者僅矣兩丁君
購覓文瀾閣遺書得十之二三言於大吏次弟鈔
補俾浙東西承學之士復得窺石渠天祿之藏其
有裨於兩浙文教已不淺矣乃又博觀精選成此巨
編言武林掌故者舍此何觀焉此抱殘守闕之苦心
亦卽敬梓恭桑之雅意乎余幼時僑寓臨平卽在武
林城外五十里而近有康氏蓮伯子蘭兩昆仲修臨
平志得十餘帙皆厚如巨璧乃亂後無一字之存矣
使其猶在得刻入丁氏此編不亦美乎卽此推之知

武林掌故叢編序

二

載籍存留日少一日況遺聞軼事叢殘瑣屑非如經
義史學之師友源淵後先授受可以永久勿墜也然
而徵文考獻則又不能不有取於此苟非彙而刻之
則散失不傳如康氏之書者豈少哉余於是歎兩丁
君用心之盛也武林爲海內名勝之區同治光緒以
來休養生息羸復舊觀再閱一二十年乾嘉之盛不
難再見異時天子或仿乾隆南巡故事翠華
臨莅流覽湖山諮求文獻則丁氏此編必且上塵
乙夜之覽或亦可當古者彤方氏之所誦乎光緒九
年歲在癸未十月德清俞樾撰

武林掌故叢編序

武林爲東南一大都會湖山之勝甲天下自五代末錢氏竊據後又二百年而南宋徙都之蔚然成帝京風物好古之士考其制度名物城郭宮室山川道路與夫名公鉅卿騷人墨客文宴流連之地下逮歌場酒肆仙蹤佛刹耳目不經見之事往往綴輯成編於志乘外別爲一書

國家當康熙乾隆之際海內又安民物康阜武林尤號繁富前後

車駕臨幸再四山川草木光華煥發咸爭妍獻媚於

武林掌故叢編序

一

帷宮帳殿之前以供

聖人之悅豫而當時文學侍從之臣復能雍容揄揚歌頌盛事垂之無窮此掌故所由增也余以同治丙寅出守杭州值大亂甫平欲求向時

翠華巡行之處僅得其髣髴又十一年移撫是邦而湖上苑囿臺榭與琳宮紺宇金碧相映者稍稍修葺漸復舊觀今去浙又五年矣三竺六橋時縈夢寐錢塘丁松生徵君博聞多識嗜書成癖

文瀾閣所藏皆其所蒐羅也茲復輯武林掌故叢編凡十冊遠寄隴中且屬爲序蓋凡余昔日足迹之所

至與夫履其地而低回想望於數百年以前者莫不
載焉公退之暇時一流覽恍置身第一峰頭山色湖
光襲人襟袖足以當卧遊而豁病目因念兩度莅浙
未嘗許住三年而休養生息民物日見其蕃滋自是
以後必有月異而歲不同者對是編而益增繼繼矣
徵君其有以告我

光緒十二年秋月茶陵譚鍾麟序


武林掌故叢編序

二

御題臨安志

竹書堂重刊宗本

題乾道臨安志



忘讎言久論之

家初興志始觀

茲武林學故因

堪考宋紙存刊

乃更奇官署官

城寧復昔吳山
越水鎮如斯
安四度親訪古
當

面失哉此細披

乾隆甲午仲夏

月泐筆



臨安志卷第一

行在所

宮闕

門附

大內在鳳皇山之東以臨安府舊治子城增築南曰

麗正門

門外建百官待漏院

北曰和寧門

門外建百官待漏院

東曰東華門建炎中

車駕南巡

駐蹕於此紹興七年二月降

詔巡幸建康府紹興八年三月

移蹕臨安府下詔曰昔在光武之興

雖定都於洛而車駕往反見於前史

第一卷

一

者非一用能奮揚英威遞行天討上

繼隆漢朕甚慕之朕荷

祖宗之休克紹大統夙夜危懼不常

厥居比者巡幸建康撫綏淮甸既已

申固邊圉獎率六軍是故復還臨安

內修政事繕治甲兵以定基業非厭

霜露之苦而圖宮室之安也故茲

大內并鳳皇山詔諭想宜知悉

德壽宮在望仙橋之東

宮門外有百官待漏院

紹興三十二年

六月四日奉

聖旨以德壽宮為名是月十一日

光堯壽聖太上皇帝降
詔退處是宮其日

今上皇帝登

寶位

皇子府

慶王府

恭王府

右在

德壽宮北

宗廟附橫宮

太廟在瑞石山之左

第一卷

景靈宮在新莊橋之西崇禎館道院在宮之南

安穆

安恭皇后橫宮在錢湖門外三里修吉寺

莊文太子橫所在錢湖門外二里寶林院

郊社

圓壇在嘉會門外以南四里三歲一郊

天

熙成殿在壇側

太社太稷壇在觀橋東北每歲春秋祀

社稷

九宮壇在東青門外一里歲祀

九宮貴神

藉田先農壇在嘉會門外以南四里玉津園之南紹

興十五年十一月十七日

詔以來歲之春祇祓青壇親載黛耜

躬三推之禮以風示於四方明年孟

春三十有二日

太上躬耕藉田禮成自後歲祀

先農於此

高禩壇在嘉會門外以南四里龍華寺歲祀

高禩

三省

第一卷

中書省 後省

門下省

尚書省

樞密院

承旨

已上在和寧門外之北

臺閣

龍圖天章寶文顯謨徽猷敷文閣在和寧門裏

御史臺在清河坊之西

祕書省在天井巷之東

光堯太上皇帝御書

右文殿曰右文之殿門曰右文殿門

實錄院

日厯所

右附於祕書省

學校

太學紹興十二年四月三十一日奉

聖旨太學養士權於臨安府府學措置增展其格法令禮部討論繼而於前洋街建立十四年三月己巳

光堯太上皇帝祇謁

先聖止輦於大成殿門外降登步趨執爵奠拜注視貌像翼翼欽慕復幸太學御敦化堂頒

手詔示樂育詳延之誠意命國子司

第一卷

四

業高閔講周易泰卦

賜羣臣諸生坐垂聽講說首肯者再三復迂玉趾俯臨養正持志二齋顧瞻生徒肄業之所徘徊久之始命駕言還乾道五年奉

聖旨令兩浙轉運司臨安府重修

殿宇

光堯太上皇帝御書

至聖文宣王廟曰大成之殿門曰大

成殿門

光堯太上皇帝御書

御書閣牌曰首善之閣藏

光堯太上皇帝御書石經

敦化堂 米友仁破
旨書

齋舍

服膺堂

禔身

守約

習是

養正

存心

節性

持志

率履

誠意

經德

允蹈

循理

時中

惇信

果行

務本

貫道

觀化

立禮

武學在前洋街紹興十六年四月初二日奉

聖旨令兵部討論武士弓馬及試選

去留格法申尙書省二十六年奉

第一卷

五

聖旨令禮兵部檢會

祖宗以來武學養士典故施行乾道

五年奉

聖旨令兩浙轉運司臨安府重修

殿宇

昭烈武成王殿

敦閱堂

齋舍

受成堂

貴謀

輔文

中吉

經遠

閱禮

諸王宮大小學在睦親宮之右

貢院在觀橋之西

別試所在貢院之側

經筵

講筵所

講筵閣

已上並在禁中

宮觀

太一宮在新莊橋之南

崇真館道院在宮之南

萬壽觀在新莊橋之西

晨華館道院在觀之東

四聖延祥觀在孤山紹興十六年建二十年賜今額

道院在觀之北

第一卷

三茅宣壽觀在城中七寶山紹興十六年賜今額

顯應觀紹興十九年於龍山西建立二十四年徙於

涌金門外靈芝寺之右

旌忠觀紹興元年宣撫處置使張浚劄子據吳玠陳

請陝西出兵自來祈禱三聖屢獲顯

應乞於鳳翔府和尚原立廟賜旌忠

廟額封忠烈靈應王忠顯昭應王忠

惠順應王三年張俊楊存中郭仲荀

用已俸於臨安府踏道橋東立廟紹

興十九年改賜觀額三十二年徙於

覺苑寺故基

廟宇

祚德廟在車橋西紹興二十二年二月二十一日奉

聖旨令兩浙轉運司蓋造

苑囿

玉津園在龍山之北

聚景園在清波門外

院

諫院在三省後

學士院在和寧門裏

登聞檢院在麗正門外

登聞鼓院在麗正門外

第一卷

官告院在尚書吏部中門

都進奏院在朝天門外

諸司糧料院在壽域坊之北

諸軍糧料院在壽域坊之北

文思院上下界在北橋之東

車輅院在嘉會門外

騏驎院在紫坊嶺下

六房院在三橋之西

五房院在紅橋之西

所

玉牒所在朝天門之南

敕令所舊在天井巷今徙於朝天門之南
軍器所在祥符寺之東

三衙

殿前司在八盤嶺南

侍衛馬軍司在天慶坊

侍衛步軍司在鐵冶嶺

寺監

太常寺在天井巷

舊敕令所

宗正寺

附於大宗正司

大理寺在仁和縣西

司農寺在市南坊之北

第一卷

太府寺在通江橋之東

國子監事具學校

將作監在修文坊

軍器監在修文坊

司

大宗正司在睦親坊

軍頭引見司在文思院後

左右金吾街仗司在吳山

諸司審計司在淨因坊之北

諸軍審計司在淨因坊之北

牛羊司在權貨務後

排岸司在武學相對

內諸司

閣門

客省四方館

右在善和寧門外

入內侍省

皇城司

御藥院

內東門司

御前馬院

修內司

翰林院
天文局醫官局
鐘鼓院隸焉

通進司

御廚

翰林司

儀鸞司

合同憑由司

後苑

第一卷

九

內藏庫

內軍器庫

御酒庫

右並在禁中

倉

省倉上界在天水院橋之北

省倉中界在仁和縣橋之東

省倉下界在餘杭門外九里

豐儲倉在東青門外三里

場

權貨務都茶場在通江橋之東

雜買務雜賣場在通江橋之西

草料場在天水院橋之北
糯米糴場在德勝橋之北

太平惠民局

左藏庫在清湖橋之西市

御酒麴料庫在後市街之南

祇候法物庫在糯米倉巷

度牒庫在油車巷

贍軍南酒庫在朝天門外有和樓

贍軍東酒庫在柴垛橋之東有大和樓

贍軍北酒庫在鹽橋之東

贍軍西酒庫在三橋之西有豐樂樓

贍軍中酒庫在灞頭市之北

贍軍南外酒庫在候潮門外

贍軍北外酒庫在江漲橋鎮

局

太醫局在葛公橋之南

和劑局在臨安府治後

太平惠民南局在太廟之南

太平惠民北局在灞頭市

太平惠民西局在眾安橋

太平惠民東局在浙江

太史局在吳山

第一卷

十

編估打套局在太府寺後

府第

左右僕射府在壽域坊南

樞密知院府在天慶坊

執政府在天慶坊南

嗣濮王府在軍將橋之東

吳王府在後洋街

益王府在中沙巷

睦親宅在清湖橋之東

臺諫宅在太常寺西

百官宅在石灰橋

第一卷

館驛

都亭驛在候潮門裏國信所附之

懷遠驛舊在法慧寺今廢

班荆館在赤岸港

軍營

禁衛諸班直營一在天慶坊一在保民坊一在崇新門裏一在艮山門裏

皇城司親從親事等指揮營在豐樂橋東

捧日天武龍神衛等指揮寨并殿前司馬步軍三司

諸軍寨並環列於府城內外東至外

沙西至西溪安樂山南至龍山北抵

江漲橋鎮

御輦院供御次供御下都輦官營在崇新門裏

儀鸞司營

一在保安門裏
一在麗正門外

翰林司營在鹽橋南

御廚營

一在天慶坊
一在報恩坊

修內司壯役等指揮在萬松嶺下

軍器所萬全東西作坊等指揮營在大理寺西

軍頭司等子營在文思院後

騏驎院教駿營在紫坊嶺下

臨安志卷第一

第一卷

臨安志卷第二

歷代沿革

大都督臨安府餘杭郡寧海軍節度治錢塘仁禹貢

揚州之域春秋時屬吳吳滅入越越滅入楚秦并天

下屬會稽郡太平寰宇記真禹東去捨舟航登陸於

止於餘杭山史記始皇三十七年十一月過丹陽至

錢唐臨浙江西一百二十里從狹中渡顧夷曰始皇

過餘杭因漢因之西漢地理志有餘杭錢唐富春縣

立為縣也至東漢順帝之後隸吳郡東漢地理志吳

漢舊縣也三國時屬吳吳大帝分餘杭置臨水縣吳志

有於潛城賀齊表奏分餘黃武五年即富春置新城縣既而廢寶鼎

杭為臨水縣又分富春置新城縣既而廢二年

安郡以全琮為守又分富春置新城縣既而廢二年

割於潛屬晉太康元年改臨水縣為臨安縣時鹽官

吳興郡晉武帝諱簡文鄭隸吳郡臨安餘杭於潛

錢唐富陽太后諱改春日陽隸吳郡臨安餘杭於潛

隸吳興郡事見晉咸和中復置新城縣宋齊梁因之

陳置錢唐郡隋開皇九年平陳廢郡割吳興吳郡之

地置杭州初治餘杭未幾移治錢唐省併新城臨安

縣仁壽二年割武康縣屬杭州因置總管府大業初

改為餘杭郡統縣六隋地理志云錢唐富陽唐武德

六年六月復為杭州隸蘇州總管是年沒於輔公祏

七年平賊復置杭州因併鹽官入錢唐以武康隸湖

州陞於潛縣為潛州八年州廢以舊縣來屬貞觀元

年分天下為十道杭州為江南東道四年分錢塘復

置鹽官凡領縣五錢唐富陽餘杭於潛鹽官隸潤州都督府永淳

元年析富陽復新城縣垂拱二年析於潛置紫溪縣

四年析餘杭復臨安縣萬歲通天元年改紫溪為武

隆聖祿元年又改為武崇神龍元年改為唐山今昌化縣

也大祿二年廢長慶之後復置景雲二年屬江南道按察使開元二

十一年分隸江南東道採訪使天寶元年改為餘杭

郡統縣八唐志云錢唐富陽餘杭於潛鹽官新城臨安唐山至德二載置江

東防禦使治餘杭郡乾元元年復以為杭州置浙江

西道節度治昇州尋徙蘇州未幾兼餘杭軍使治杭

州二年改置觀察使治蘇州上元二年詔杭州刺史

領防禦使建中二年置鎮海軍節度於潤州元和之

後使名廢置不常龍紀元年復置杭州防禦使景福

元年賜號武勝軍防禦二年陞為都團練觀察尋廢

移鎮海軍節度使治杭州已上使名歲次並見唐方鎮表五代史記云光化元

年移鎮海軍於杭州景福二年至光化改元相去凡五年不同是年始拜錢鏐為節

度使俄而置都督府又陞為大都督府天祐四年以

臨安縣衣錦城為安國衣錦軍朱梁開平元年改新

城為新登以梁太祖父諱改城曰登二年改臨安為安國事見五代史記

四年改唐山為金昌龍德三年析錢唐鹽官地置錢

江縣今仁和縣也與錢唐分治城下後唐同光初復金昌

為昌化石晉改為橫山又以為吳昌五代之亂錢氏據有兩浙幾百年號吳越國

第二卷

宋興錢俶始事貢獻太平興國三年朝於

京師遂納土焉其年改錢江爲仁和復新登爲新城

陞安國衣錦軍爲順化軍治臨安縣四年改吳昌爲

昌化五年廢順化軍以其縣復隸杭州淳化五年詔

以鎮海軍爲寧海軍詔曰浙右輿區餘杭故壤閭閻師知孫武訓齊之令控於滄海實曰大藩宜更節陞制之名用浴底寧之化杭州鎮海軍改爲寧海軍陞

南新場爲紹德縣六年改爲南新縣領縣十皇祐元

年管勾一路兵馬鈐轄司事熙寧五年廢南新爲鎮

隸新城縣七年分浙東西爲兩路杭州蘇湖潤常秀宣

和中領浙西安撫使建炎三年

翠華巡幸是年十一月三日陞杭州爲臨安府復兼

浙西兵馬鈐轄司事統縣九錢塘仁和餘杭臨安富

陽於潛新城鹽官昌化紹興五年三月二十四日

指揮臨安府

車駕駐蹕之地宜增重事權依舊兼浙西安撫使云

星度分野

周禮保章氏以星土辨九州之地所封域皆有分

星以觀妖祥注云星紀吳越也史記天官書漢書天

文志皆云牽牛婺女揚州地里志云吳地斗分壑也

晉書天文志隋書地里志皆云自南斗十二度至須

女七度爲星紀於辰在丑吳越之分野屬揚州費直

起斗十度蔡邕起斗六度故永嘉中歲星熒惑太白

起斗十度蔡邕起斗六度故永嘉中歲星熒惑太白

起斗十度蔡邕起斗六度故永嘉中歲星熒惑太白

聚牛女之閒識者以爲吳越之地當興王者又苻堅欲謀爲寇石越對曰今歲星鎮斗牛福德在焉垂象弗差苻融曰歲鎮在斗牛吳越之福五代史云唐末豫章人有善術者望牛斗閒有王氣牛斗乃錢塘分野

國史地理志兩浙路當天文南斗須女之分

風俗

吳地古揚州之境也其俗躁勁輕揚故曰揚州或云州界多水水波揚也周官職方氏曰揚州之民二男而五女其畜宜鳥獸其穀宜稻吳越春秋云人性脆而愚水行山處以船爲車以櫂爲馬悅兵而敢死漢

第二卷

四

志曰吳粵之君皆尙勇故其民好用劔輕死易發文身斷髮以避蛟龍之害應劭曰常在水中故斷其髮文其身以象龍子故不見傷也數與楚接戰互相兼并故吳越風俗略與楚同隋

志曰江南之俗火耕水耨魚稻富饒不憂飢餒信鬼神喜淫祀又曰吳郡餘杭川澤沃衍有海陸之饒珍異所聚商賈並湊其人君子尙禮庸庶敦龐故風俗澄清而道教隆洽亦其風氣所尙也

國史地理志總敘兩浙路以爲人性敏柔而慧尙浮屠氏之教厚於滋味急於進取善於圖利

州境

通典太平寰宇記皆云杭州乃春秋越國之西境西

北至禦一作語兒分界在吳郡嘉興縣南今秀州崇德縣有禦兒鄉是也又周顯王四十六年楚威王伐越破之盡取其地至於浙江之北二千五百里

東西六百六十七里一百三十六步

南北九十九里三十三步

東至秀州界一百二十九里自界首至本州一百二

十里

西至徽州界二百四十三里自界首至本州九十里

南至紹興府界三十六里自界首至本府九十里

北至湖州界五十四里自界首至本州一百八里

第二卷

五

東南到紹興府界三十六里自界首至本府一百三

十五里

西南到嚴州界一百五十三里自界首至本州一百

二十一里

東北到秀州界九十三里自界首至本州九十七里

西北到宣州界一百九十八里自界首至本州二百

一十里

去兩京地里

東京二千二百里 西京二千五百里

陸路

西至昱嶺二百四十三里入徽州界

北至導墩五十四里入湖州界

東北至七里店九十三里入秀州界

西北至千秋嶺一百九十八里入宣州界

南至白峰鋪一百五十三里入嚴州界

水路

東至浙江沿海郭澁港一百二十九里入秀州界

南至浙江中流三十六里入紹興府界

北至下塘大港導墩五十四里入湖州界

東北至上塘運河七里店九十三里入秀州界

東南至浙江中流三十六里入紹興府界

西南自浙江入溪至白峰一百五十三里入嚴州界

第二卷

縣

望錢塘

望仁和

望餘杭

望臨安

緊富陽

緊於潛

上新城

上鹽官

中昌化

鎮

江漲橋鎮

臨平鎮

范浦鎮

右並端拱元年置隸仁和縣

湯村鎮

右本仁和鎮端拱元年改隸仁和縣

南新鎮

右熙寧五年置隸新城縣

在城八廂 吏部注大小使臣分治煙火賊盜公事

宮城

左一

左二

左三

右一

右三

右四

城南北兩廂

紹興十一年五月七日郡守俞侯奏請府城之外南北相距三十里人煙繁盛各比一邑乞於江漲橋浙江置城南北左右廂差親民資序京朝官主管本廂公事杖六

城南左廂

舊治便門外一里浙江跨浦橋北今徙於白壁營

城北右廂

治餘杭門外六里江漲橋鎮

城東西都巡檢使

乾道三年四月二十日郡守王炎奏請以城外東西廂地分廣闊巡選稀疎乞於見任官內路逐有武勇之人二員

第二卷

兼城東西巡檢使各差軍兵三十人帶器仗巡警措置盜賊奉

城東都巡檢使司

治城東一里羅漢院之南

城西都巡檢使司

治城西三里赤山之南

城社門附

九域志隋楊素剡州城周回三十六里九十步有城

門十二東曰便門保安崇新東青艮山新門西曰錢

湖清波豐豫錢塘南曰嘉會北曰餘杭有水門五東

曰保安南水北水北曰天宗餘杭資治通鑑載後周

民夫二十萬及十三都軍士築杭州景福二年錢鏐

南門曰龍山東門曰竹車南土北土保德北門曰北關西門曰涵水西關城中又有門曰朝天門曰炭橋新門曰鹽橋門今廢土人猶以門稱焉

社壇舊在利涉門內今嘉會門一百步今徙於城西一里

昭慶寺

自陳置錢塘郡隋廢郡為杭州戶一萬五千三百八

十唐貞觀中戶三萬五百七十一口一十五萬三千

七百二十九開元中戶八萬六千二百五十八太平

寰宇記載

皇朝初戶圭六萬一千六百八客八千八百五十七

九域志戶一十六萬四千二百九十三客三萬八千

五百二十三

兩朝國史戶二十萬五千五百六十九今

第二卷

八

戶二十六萬一千六百九十二

口五十五萬二千六百七

廨舍

府治舊在鳳皇山之右子城南曰通越門北曰震門

錢氏舊造至和元年郡守資政殿學

士給事中孫沔重建樞密直學士蔡

襄撰記并書刻建炎四年

石於門之右

翠華駐蹕今徙治清波門之北以奉

國屋寺即淨因寺故基創建

兩浙轉運衙太平興國三年錢氏納土是年五月丙戌始置轉運使以刑部郎中楊克遜充兩浙西南路轉運使宗正寺丞趙

齊副之祠部郎中劉保勳充兩浙東
北路轉運使右拾遺鄭遜副之熙甯

七年四月癸巳檢正中書刑房公事

沈括言欲乞分浙東西為兩浙路轉

運使於杭州置司杭蘇湖常秀睦潤
七州為浙西路越

明台婺溫衢處
七州為浙東路

詔從之舊治在震門之北為南北兩

衙今徙於湧金門南為轉運東西衙

提舉市舶衙舊在城中淳化三年四月庚午移杭州

市舶司於明州定海縣以監察御史

張肅領之今存市
船務

第二卷

通判南廳在府衙南

通判北廳在府衙東

安撫司參議官主管機宜文字幹辦公事廨舍在府

治之左右

僉判察判節推察推司戶司法教授廨舍並在府治

之左右

府院在府衙門之西錄事參軍
廨舍附之

左司理院在府衙之東司理參軍
廨舍附之

右司理院在府衙之西司理參軍
廨舍附之

學校

至聖文宣王廟舊在府治之南子城通越門外有稽

古閣奉安

御書宣和中本路廉訪使降

御書殿榜曰大成錢塘仁和縣學附焉

六經齋十二

經德

進德

炳文

兌習

頤正

賁文

蒙養

時升

益朋

履信

復古

賓賢

建炎以來遷徙不常紹興元年於凌家橋東以慧安寺故基重建

六齋

升俊

經德

敦厚

彌新

第二卷

賁文

富文

科舉

舊制三歲應

詔解七人崇寧頒三舍法於學歲貢七人宣和五年復科舉三歲解十四人紹興二十六年增西北流寓解額三人今解十七人

軍營兵籍附

禁軍

東南第三將自錢氏納土之後准

朝廷處分分屯駐劄寨在東青門裏有正副將各一員押隊官二員元管步軍九

指揮大觀四年三月奉

聖旨撥威果第二十八雄節第九指

揮往平江府駐劄宣和二年因討睦

州方寇准殿前司備奉

旨揮撥到威捷第一指揮馬軍并全

捷第二第三指揮步軍並屬本將駐

劄共見管八指揮元額四千八十人

威捷第一指揮元額五百人

威果第四指揮元額五百人

威果第五指揮元額五百人

威果第六指揮元額五百人

第二卷

雄節第八指揮元額五百人

雄節第十六指揮元額五百人

全捷第二指揮元額五百人

全捷第三指揮元額五百人

京畿第二將元係東京畿縣陳留雍丘尉氏鄆陵

陽武屯駐人兵建炎元年十一月准

樞密院劄子差隨統領劉俊前來杭

州收捕陳通續准

樞密院劄子備奉

聖旨存留本將人馬在杭州就糧駐

劄營寨在東青門裏有正副將各一員押隊

官三員共管一十六指揮元額七千

六百六十人

武騎第六指揮元額四百

武騎第七指揮元額四百

廣勇左一四指揮元額五百

廣勇左一五指揮元額五百

廣勇左一六指揮元額五百

廣捷第四指揮元額五百

廣捷第五指揮元額五百

廣捷第六指揮元額五百

忠節第二指揮元額五百

第二卷

驍猛第一指揮元額四百

神威第九指揮元額五百

雄勇第二指揮元額五百

雄威第六指揮元額五百

効忠第二十四指揮元額五百

効忠第七十五指揮元額四百

効忠第七十七指揮元額四百

兵馬鈐轄司軍兵內雄節威果全捷三指揮於熙

兵馬鈐轄司軍兵內雄節威果全捷三指揮於熙

州屯駐軍龍騎歸遠二指揮軍兵前

來討捕睦州方寇續准

指揮留屯於杭州營寨在東青門外係本府

兵馬鈐轄管轄共管五指揮元額二

千五十人

雄節第十七指揮元額四百一十人

威果第六十一指揮元額四百一十人

全捷第十七指揮元額四百一十人

龍騎指揮元額四百一十人

歸遠指揮元額四百一十人

諸寨土軍一十三處元額共管一千三百六十六

人

外沙巡檢司寨在候潮門外元額管土軍一百二十人

第二卷

海內巡檢司寨在嘉會門外元額管土軍一百二十人

管界巡檢司寨在餘杭門外元額管土軍一百人

茶槽巡檢司寨在東青門外元額管土軍一百二十人

南蕩巡檢司寨在錢塘縣界元額管土軍九十六人

東梓巡檢司寨在富陽縣界元額管土軍一百二十人

土管巡檢司寨在鹽官縣界元額管土軍一百二十人

赭山巡檢司寨在仁和鹽官兩縣界元額管土軍一百二十人

黃灣巡檢司寨在鹽官縣界元額管土軍一百二十人

硤石巡檢司寨在鹽官縣界元額管土軍一百人

奉口巡檢司寨在錢塘仁和縣界元額管土軍一百人

許村巡檢司寨在鹽官縣界元額管土軍一百人

下塘巡檢司寨在仁和縣界元額管土軍三十人

廂軍

崇節第一指揮額管五百人

崇節第二指揮額管五百人

崇節第三指揮額管五百人

崇節第四指揮額管五百人

崇節第五指揮額管五百人

崇節第六指揮額管五百人

捍江第一指揮額管四百人

捍江第二指揮額管四百人

捍江第三指揮額管四百人

捍江第四指揮額管四百人

捍江第五指揮額管四百人

修江指揮額管一百人

都作院指揮額管八十人

小作院指揮額管八十人

清湖關指揮額管七十人

開湖司指揮額管二十人

北城堰指揮額管三十人

西河廣濟指揮額管三十人

樓店務指揮額管三十人

長安堰閘指揮額管一百人

第二卷

秤斗務指揮 額管四十八人

壯城指揮 額管三百人

鼓角匠指揮 額管二十五人

橫江水軍指揮 額管二百人

船務指揮 額管八十人

牢城指揮 無額管八百二十四人

坊市

左一廂

市西坊 灞西巷

太平坊 新街巷

清河坊 清河坊巷

第二卷

回濤坊 吳山井後巷

徑山坊 峨眉後巷

淨因坊 樓店後巷

善化坊 竹園山巷

左二廂

修義坊 菱椒薑巷

敦睦坊 銀甕後巷

秀義坊 戲卷下巷

修文坊 文戲巷

保信坊 剪刀股巷

睦親坊 官巷

市南坊 巾子巷

融和坊 肉布巷

尖山坊 尖山井巷

通浙坊 天井巷

大隱坊 都酒務巷

豐豫坊 府學巷

懷慶坊 寶月山巷

樂眾坊 南棚巷

積善坊 上百巷

壽安坊 官巷

里仁坊 陶家巷

定民坊 中棚巷

純禮坊 後洋街巷

保和坊 觀街巷

報恩坊 觀巷

左三廂

欽善坊 聞扇子巷

甘泉坊 相國井巷

清風坊 活水巷

興慶坊 前洋街巷

德化坊 木子巷

右一廂

孝仁坊 清平山巷

貴恕坊 相府巷

壽域坊 糧料院巷

保靈坊 太廟巷

天慶坊 天慶觀巷

保民坊 吳山廟巷

長慶坊 竹竿巷

懷信坊 總欄巷

常慶坊 柴珠橋巷

第二卷

夫

右二廂

清平坊 沙皮巷

興禮坊 清冷橋巷

通和坊 金波橋巷

延福坊 灞東橋巷

蘭陵坊 水巷

義和坊 炭橋巷

武志坊 李博士橋巷

戒民坊 棚橋巷

新安坊 小新橋巷

延定坊 鴨鳴橋巷

祈祥坊 北橋巷

懷遠坊 軍頭司巷

普盛坊 清遠橋巷

同德坊 鐘心巷

敦欽坊 竹竿巷

嘉新坊 十郎堂巷

招賢坊 仁和縣巷

安國坊 仁和倉巷

右三廂

東坊

中沙後巷

善履坊

豐樂橋巷

豐禾坊

豐禾倉巷

富樂坊

蒲橋巷

西坊

中沙前巷

興德坊

鹽橋巷

昌樂坊

薦橋巷

右四廂

藍海坊

鐵碗巷

東界分

東二界

錢塘縣

南城界

西城界

溫泉界

中路南上分界

中路南下分界

中路北界

第二卷

七

外河界

州內界

西湖門南界

西湖門北界

三教門界

吳山北界

西一界

西二界

東一界

東二界

東西一下分界

淨因寺界

三橋南界

三橋北界

灞北界

開道坊界

中棚界

井亭橋北界

橋南界

橋北界

後杭界

木子東界

木子西界

回龍橋

西莊界

仁和縣

善教

會館

中濠南界

觀音

眾安東界

小新營界

李樹

東營界

妙慈界

承前

沙河東界

灞東界

亭

中濠北界

永新橋界

五子

仁和界

西營界

尚

尚

都亭驛橋

州橋

洪橋

阜民橋

過軍橋

通江橋

第二卷

六

望仙橋

三聖廟橋

柴塚橋

薦橋

道明橋

豐樂橋

蒲橋

鹽橋

梅家橋

葛公橋

鍾公橋

清冷橋

瓦子前橋

瓦子後橋

金波橋

巧兒橋

亨橋

貓兒橋

舍兒橋

永清橋

水巷橋

炭橋

李博士橋

棚橋

新橋

鵝鴨橋

北橋

軍頭司木橋

清遠橋

仁和倉橋

天水院橋

回龍橋

觀橋

貢院橋

祥符橋 眾安橋 淨因寺橋

樓店務橋 石橋 木橋

凌家橋 仁壽橋 轉運衙石橋

渡子橋 六房院橋 金文橋

施家橋 侍郎橋 三橋

軍將橋 施水坊橋 井亭橋

紅橋 鞞鼓橋 馬家橋

洗麩橋 清湖橋 石灰橋

結縛橋 左藏庫橋 丁家橋

紀家橋 車橋 楊四姑橋

新莊橋 師姑橋 斜橋

第二卷 九

便橋

物產

禹貢揚州篠蕩既敷厥草惟天厥木惟喬周官職方氏揚州其利金錫竹箭其畜宜鳥獸其穀宜稻舊經云產白編綾緝綾藤紙木瓜橘蜜薑牛膝地黃

今產

穀

杭 稷 粟 麥 麻 金豆

衣

綾 絹 布 綿 羅 大紬 紗

貨

茶 絲 蜜 蠟 紙

藥 菖蒲 薑 苦

白木 菜萸 菖蒲 桑白皮

芍藥 五加皮 地榆 白芷

地黃 荆芥 豐粟 薄荷

紫蘇子 麥門冬 天南星 白及

香附子 牛膝 何首烏 百合

牽牛 地骨皮 牛蒡子 地膚子

乾葛 天花粉 馬兜鈴 丹參

苦參 沙參 白鮮皮 石竹

白薇 藜蘆 恒山 葶藶

第二卷 二十

劉寄奴 葳靈仙 五倍子 茵陳

山藥 黃菁 瞿麥 旋復花

菊花 枸杞 草烏頭 鬼箭

山豆根 茯苓 半夏 貫眾

牡丹皮 杜仲 車前子 石燕子

秦皮 前胡 寒水石 枳實

續斷 青蒿子 千年潤 益母草

香薷 千金草 澤蘭 蚶牀子

鈎藤 黃皮 地篇蓄 藁本

獨活 升麻 烏藥 苦練皮

百部根 躑躅花 蒲黃 榆白皮

鳳眼草

金星草

木通

覆盆子

橘

橙

梅

桃

李

杏

柿

栗

棗

瓜

梨

蓮

芡菰

藕

菱

枇杷

櫻桃

石榴

木瓜

林檎

楊梅

雞頭

銀杏

甘蔗

花

牡丹

芍藥

酴醾

棣棠

海棠

金林檎

御李

緋桃

滴滴金

碧桃

紅杏

長春

玉簪

山茶

玉梅

第二卷

三

薔薇

佛見笑

聚八仙

粉團

水仙

海紅

徘徊

百合

梔子

翦紅羅

石竹

萱草

密友

金盞

蜀葵

千葉蓮

佛頭蓮

紅榴

木犀

丹桂

木芙蓉

黃菊

山丹

白菊

臘梅

香梅

千葉梅

福梅

瑞香

木

桑

梓

柘

松

柏

桐

櫟

櫟

槐

杉

楮

桂

槿

檀

樟

楓

柳

榆

木

竹

筍
米
一
十
筍
二
千
七
金
一
十
三
淡

紫
班

土貢

禹貢揚州厥貢惟金三品厥篚織貝厥包橘柚錫貢

唐書地里志貢白編綾緋綾藤紙木瓜橘蜜薑乾薑

芒牛膝太平寰宇記歲貢乾地黃牛膝藤紙蜜九域

志貢綾三十匹藤紙一千張

兩朝國史貢糟藏瓜薑祥符舊經貢山茶楊梅笋絹

紬綿子薑甘蔗

今貢

第二卷

主

綾三十匹

稅賦茶租免役
和預買附

夏稅

每歲婺州給本府衣絹二千五百匹紬三千匹
綿三萬五千兩徽州給本府衣絹七千四百
匹綿一萬七千
三百五十兩

絹九萬五千八百一十三匹二尺四寸三分七釐

紬四千四百八十六匹三丈四尺八寸一分二釐

綾五千二百三十四匹一丈

綿五萬八千五百二十一兩二錢二分八釐

秋稅

苗米一十二萬三千七百一十三石六斗八升一

合一勺七撮

茶租錢一萬一千六百八十九貫一百四十三文

免役錢一十二萬一千八百八十五貫七百八十五

文

和預買每歲認發江陰軍和買絹七十二匹二丈一尺四寸三分五釐折帛錢九千二百七十八

貫五百一十八文

絹四萬三百九十九匹二丈六尺二寸三分五釐

紬七百九十五匹

折帛錢六十四萬八千三百八十五貫五百一十

八文

倉場庫務錢監作院附

鎮城倉在餘杭門裏

第二卷

都鹽倉在天宗門裏

常平義倉在餘杭門裏

合同茶場在湧金門裏

糠場在天宗水門裏

城南炭場在候潮門外

城北炭場在餘杭門外

軍資庫在府衙門之左

常平庫在府衙門之左

公使庫在府衙門之東

甲仗庫在府衙之東

架閣庫在府衙之北

公使酒庫在府衙之西

祇備庫在府衙之西

什物庫在府衙之西

輜擔庫在府衙之西

醋庫一十八處分在府城內外

都稅院在灞頭市東抵當庫平準務秤對局附焉

龍山稅務在嘉會門外

浙江稅務在浙江岸跨浦橋南

北郭稅務在餘杭門外

江漲橋稅務在江漲橋鎮市

紅亭稅務在崇新門外

第二卷

樓店務在府衙之東

市舶務在保安門外諸家橋之南

酒務五處乾道二年五月二十五日戶部侍郎曾懷

申請併歸戶部贍軍庫取三年所趁

息錢以一年酌中之數為額卻於贍

軍庫收趁息錢內撥還臨安府奉

聖旨依奏

都酒務在清河坊西

南比較務一名武林園在灞頭市南

北比較務一名虎跑泉在後洋街

龍山酒務在龍山白塔嶺下

江漲橋務在江漲橋鎮市

都作院在湧金門之北小作院附之

錢監大唐寶興鑄錢監在龍山相近吳郡圖經曰每

歲官取長洲縣白塿土為錢塘鑄錢監

用今藉田園乃故基也旁有長生水池

大中祥符九年五月戊申江淮兩浙發

運使李浦言饒池江杭四州錢監每歲

共鑄錢一百二十萬貫用銅四百五十

三萬斤今廢

館驛亭堂樓觀閣軒附

樟亭驛晏殊輿地志云在錢塘縣舊治之甫五里白

第二卷

居易有宿樟亭驛詩羅隱乾符五年

夏登是驛看湖有詩廢

郵亭驛在朝天門外中閒改名天策今為昇陽宮

仁和館在清湖間之東紹興十九年郡守湯鵬舉建

亭

南園異亭慶厯三年郡守蔣堂於舊治之東南建異

亭以對江山之勝崇寧三年蔣之奇

作詩紀其事胡宿詩云武林天

介亭在舊治後聖果寺熙寧中郡守祖無擇對排衙

石作介亭左江湖千里在目無擇

為介亭銘序云亭前有石二偁自北

而南二十舉趾高踰再初若有衙道
故諺以排衙稱因名其亭曰介亭銘

曰猗歟茲亭仁智是經控帶山海周
旋日星嘉乃成績取名於易維介之

義以敏厥德東坡居士饒楊次公於
此亭詩云丹青明滅風

篁嶺環佩空響桃花源郡人
謂介亭山下為桃源路也今廢

清風亭在中和堂之側直望海門廢

曲水亭在舊治治平中郡守舍人沈邁建今廢

望越亭在舊治後慶厯中郡守蔣堂建政和元年郡
守張閣遷巽亭於此遂廢

碧波亭晏殊輿地志云在舊治子城北門外五代史

第二卷

美

載錢氏大閱兵於碧波亭亭階臨水
面闊數丈元豐中郡守張詵重建廢

隆禮亭祥符舊經云在郡城錢塘舊治之南到縣一
十三里廢

敦禮亭祥符舊經云在郡城錢塘舊治之南到縣一
十二里廢

崇禮亭祥符舊經云在郡城錢塘舊治之南到縣一
十一里廢

鳳皇亭祥符舊經云在通判舊治廢

集賢亭在豐豫門外湖堂前廢

潺湲亭古稱阿閃佛塔亭旁有溝牖引湖水以注相

國井而水衝突沸騰遂名潺湲亭

廢

通遠亭祥符舊經云在錢塘縣舊治北到縣四里

橘園亭在鹽橋之南乾道五年郡守周淙重修

馭舟亭在鹽橋之北

安濟亭祥符舊經云在錢塘舊治南到縣二十里

浙江亭祥符舊經云在錢塘舊治南到縣一十五里

堂

有美堂在郡城吳山嘉祐二年龍圖閣直學士梅摯

出守杭州

仁宗賜詩龍行摯乃取詩之首章以

名有美堂詩見收歐陽修記曰夫舉

第二卷

三

天下之至美與其樂有不得而兼焉

者多矣故窮山水登臨之美者必之

乎寬閑之野寂寞之鄉而後得焉覽

人物之盛麗夸都邑之雄富者必據

乎四達之衝舟車之會而後足焉蓋

彼放心於物外而此娛意於繁華二

者各有適焉然其為樂不得而兼也

今夫所謂羅浮天台衡嶽廬阜洞庭

之廣三峽之險號為東南奇偉秀絕

者乃皆在乎下州小邑僻陋之邦此

幽潛之士窮愁放逐之臣之所樂也

若乃四方之所聚百貨之所交物盛
人眾爲一都會而又能兼有山水之
美以資富貴之娛者惟金陵錢塘然
二邦皆僭竊於亂世及

聖宋受命海內爲一金陵以後服見
誅今其江山雖在而頽垣廢址荒烟
野草過而覽者莫不爲之躊躇而悽
悽獨錢塘自五代時知尊中國効臣
順及其亡也頓首請命不煩干戈今
其民幸富足安樂又其俗習工巧邑
屋華麗蓋十餘萬家環以湖山左右

第二卷

元

映帶而闡商海賈風帆浪舶出入於
江濤浩渺煙雲杳靄之間可謂盛矣
而臨是邦者必皆朝廷公卿大臣若
天子之侍從又有四方遊士爲之賓
客故喜占形勝治亭榭相與極遊覽
之娛然其於所取有得於此者必有
遺於彼獨所謂有美堂者山水登臨
之美人物邑居之繁一寓目而盡得
之蓋錢塘兼有天下之美而斯堂者
又盡得錢塘之美焉宜乎公之甚愛
而難忘也梅公清今上好學君子也視

其所好可以知其人焉四年八月丁亥廬陵歐陽修記蔡襄書碑摯又賦五言詩六篇皆以有美堂新建爲篇首錢氏初建江湖亭於此一時名流人以為今廢皆有詩後

中和堂在舊治又有清風亭在堂之偏望海樓在堂

北建炎三年四月壬戌

光堯太上皇帝來登斯堂遠矚稽山思夏后之功俯瞰濤江懷子胥之烈御製古詩一首六龍轉淮海萬騎臨吳津王者本無外駕言蘇遠民瞻彼

第二卷

元

草木秀感此瘡痍新登堂望稽山懷哉夏禹勤神功既盛大後世蒙其仁願同越句踐焦思先吾身艱難務遵養聖賢有屈伸高風動君子屬意種

蠡臣又

御書謂斯堂偉特之觀無愧上都薰風南來我意雖快願與庶人共之後改爲偉觀堂先是錢氏武肅王建閣禮堂至和三年郡守孫沔重修棟宇宏麗輪奐一新更名中和趙抃詩云鳳皇城千里人心豈易平樂藏古賢形歎頌中和終不爲虛名後人以爲

酒名

虛白堂舊圖經云在舊治晏殊輿地志云為刺史在

官清嚴人無犯者唐長慶中刺史白

居易有詩刻石堂上羅隱虛白堂牡

丹詩云莫背欄竿便相笑與君俱受

主人恩蓋謂白太傅手植此花也郡

守梅摯十詩皆以堂有虛白閑為首

章堂前有紫薇兩本世傳居易所植

蘇軾有虛白堂紫薇花詩

清暑堂治平三年郡守蔡襄建在州治之左并撰記

及書刻石堂上

第二卷

秋香堂在漕臺前治轉運使劉旣濟建

湖堂在豐豫門外堂前有集賢亭

三賢堂在孤山竹閣有白樂天林君復蘇子瞻三賢

像後廢不存乾道五年郡守周淙重

建於水仙王廟之東廡

講易堂在府治之東紹興十六年郡守張澄建張侗

名為吏隱堂隆興元年陳輝改今名

中書舍人張孝祥書左朝請大夫葛

立方撰記

樓

東樓一名望海樓

在舊治中和堂之北太平寰宇記云高

十八丈唐武德七年置廢

十三間樓去錢塘門二里許蘇軾治杭日多治事於

此廢

豐豫門湧金樓政和六年郡守徐鑄以豐豫門樓隙

損命鈐轄楊靖重建頗極壯麗勝曰

湧金樓

聳翠樓在豐豫門外政和七年郡守徐鑄命鈐轄楊

靖於湖堂之右以眾樂亭舊址臨湖

為聳翠樓今豐樂樓

望湖樓一名看經樓乾德五年忠懿王錢氏建去錢塘門

一里蘇軾有望湖樓詩

第二卷

三

觀

雲濤觀在舊治政和元年郡守張閣既徙異亭以其

舊址更造廢

閣

儒賢亨會之閣故相劉正夫之居在萬松嶺東青平

門青平乃公舊里號青平里時人因以此名之政和三年

敕建

御書閣賜是名廢

一德格天之閣紹興中

御書賜太師秦檜之居廢

望海閣在漕臺舊治廢

白公竹閣在孤山與柏堂相連有唐刺史白居易祠

堂蘇軾有竹閣柏堂二詩廢

巢居閣林逋故廬有此閣或云有寶雲寺即雲巢也

紅梅閣在府治

軒

石林軒在舊治後至和中鄴守孫沔初建號燕思閣

又取臨安縣淨土寺立石七株置之

閣前蒼然奇怪號七賢石元祐中郡

守蒲宗孟改名石林軒廢

臨安志卷第二

第二卷

三

臨安志卷第二

臨安志卷第二

又取臨安縣淨土寺立石七株置之

閣前蒼然奇怪號七賢石元祐中郡

守蒲宗孟改名石林軒廢

軒

紅梅閣在府治

巢居閣林逋故廬有此閣或云有寶雲寺即雲巢也

白公竹閣在孤山與柏堂相連有唐刺史白居易祠

堂蘇軾有竹閣柏堂二詩廢

臨安志卷第二

臨安志卷第三

牧守 政績附

歷代

全珠

黃武五年吳孫權分三郡險地為東安郡全珠領郡太守治富春明賞罰招誘降附數月中得萬餘人召還字子璜錢塘人見吳志

柳沖

唐貞觀中為杭州刺史有能名蒲州虞鄉人

袁仁敬

開元十三年明皇自擇刺史凡十一人大理少卿

第三卷

袁仁敬為杭州刺史治行諸宰相諸王御史以上祖道洛濱盛具奏太常樂帛舫水嬉命高力士賜詩帝親書且給筆札令自賦

崔渙

肅宗時為左散騎常侍餘杭太守江東採訪使博

陵安平人

房孺復

唐貞元初韋應物為蘇州牧房孺復為杭州牧韋嗜詩房嗜酒每與賓友一醉一詠其風流雅韻多播於吳中或曰韋房為詩酒仙見白居易吳郡詩石記元和姓纂云孺復河南人

李泌

字長源代宗朝為杭州刺史引湖水入城為六井以利民為政有風績德宗在奉天召赴行在授左散騎常侍拜中書侍郎同中書門下平章事

封鄴縣侯

白居易

字樂天事唐穆宗為中書舍人長慶二年七月出為杭州刺史始築隄捍錢塘湖鍾洩其水溉田千頃復濬李泌六井民賴其汲久之以太子左庶子分司東都

封馮翊縣侯

李宗閔

字損之文宗時為杭州刺史

宣祖廟諱

第三卷

上一字 為給事中杭州刺史

裴夷直

字禮卿武宗時自中書舍人出為杭州刺史

李中敏

字藏之隴西人唐文宗開成末為杭州刺史

李錡

唐淄川王五世孫自雅王傳出為杭州刺史居三歲遷浙西觀察諸道鹽鐵轉運使

于邵

字相門京兆萬年人以諫議大夫知制誥出拜杭

州刺史

楊憑

字虛受治京兆有政績後徙杭州長史

崔彥曾

懿宗朝咸通二年為杭州刺史

地里志

右並見唐書

章夔

虞部郎中杭州刺史京兆杜陵人

崔恂

水部郎中杭州刺史鄭州人

裴常棣

第三卷

三

兵部郎中杭州刺史河東聞喜人白居易冷泉亭

記云觀風亭常棣所建

獨孤嶼

侍御史杭州刺史洛陽人

李自拙

杭州刺史

唐宗室

封亮

司封員外郎杭州刺史渤海人

雙士恪

右武衛大將軍定相二州總管杭州刺史呂國公

天水郡人

王顏

貞元六年為杭州刺史見國一禪師塔銘

杜陟

陸則

李幼

崔鄩

路異

右五人並杭州刺史與白居易盧元輔裴常棣
楊憑九人皆曾造僧慧琳之室論心要見慧琳
碑

周寶

第三卷

五

為杭州刺史後唐僖宗時羣盜起寶募諸縣鄉兵
討之號八都兵見五代史

國朝

范旻

太平興國三年三月己酉吳越國王錢俶朝於乾
德殿是年俶乃納土五月丙戌太宗皇帝始命水
部郎中范旻為考功郎中知杭州左贊善大夫孟
貽孫通判事自是名卿鉅公接武而至舊嘗記姓
名於廳事粲然可觀也至建炎閒兵戈擾攘城邑
隳廢牧守姓字隨亦湮沒於是博考載籍咨詢耆
舊質諸太史氏自太平興國戊寅歲訖紹興辛亥

凡一百五十三年僅得范昺而下一百人

再除者一十三

人三除者一官稱名氏除授歲月及史官所紀善政美

績編列於左疑者闕焉自紹興辛亥以後則有太學博士何溥所撰題名記云

李繼凝

太宗卽位轉刑部員外郎充兩浙轉運使尋知杭州召還闕改刑部郎中充樞密直學士

劉知信

端拱二年四月丁卯以邕州觀察使劉知信知杭州

王化基

第三卷

六

淳化四年五月庚戌以工部侍郎王化基知杭州遷禮部召還以本官參知政事本傳字永圖真定府人嘗作東南行百韻好事者傳誦之

魏羽

字垂天歙州婺源人拜給事中知潭州徙知杭州真宗卽位遷工部侍郎召還

張去華

至道三年六月丙午以給事中新知益州張去華知杭州咸平三年四月戊寅徙知蘇州

張詠

咸平三年四月戊寅以御史中丞張詠爲工部侍

郎知杭州本傳詠以剛方自任以嚴猛爲治御下甚峻性躁急果決郡事多出於獨斷屬歲歉民多鬻私鹽以自給犯者甚眾連拘數百人詠悉寬其罰而遣之官屬請曰不痛繩之恐無以禁詠曰錢塘十萬民飢者八九苟不以鹽自活一旦蜂聚數千輩爲寇盜則其患甚矣當俟秋成乃仍舊法是歲民獲安濟又有民家子與姊壻訟家財壻言妻父臨終此子三歲故見命掌貲產且有遺書令異日以十之三付子餘七分與壻詠覽之以酒酌地曰汝妻父智人也以子幼甚故託汝儻遽以家財十之七與子則子死於汝手矣亟命以十之七給

第三卷

七

其子餘三分給壻皆服其明斷拜泣而去咸平四年九月辛卯杭州民詣闕獻土星圖一銀百兩乞留知州詔獎詠仍還其銀代還知永興軍府拜尙書右丞字復之濮州鄆城人

自號乖崖公

宋太初

咸平五年五月癸丑以右諫議大夫宋太初知杭州是年十一月甲午徙知廬州太初字永初澤州晉城人

王仲華

咸平五年十一月甲午以太常少卿知蘇州王仲華爲右諫議大夫知杭州六年十月戊午徙知虔

州

薛映中

咸平六年六月丁亥以禮部郎中知制誥權判度

支薛映為諫議大夫知杭州

本傳景德初知杭州而咸平六年十月前

是時起居舍人直史館姚鉉為轉運使檄屬郡當

直司毋得輒斷徒以上罪映即奏徒流笞杖自有

科條苟情狀明白何須繫獄以累和氣請詔天下

凡徒流罪人於長史前對辯如無所異聽遣決之

朝廷施用其言在杭五年其治嚴明吏不能欺每

五鼓冠帶黎明據案決事雖寒暑無一日異入知

第三卷

通進銀臺司兼門下封駁事

王濟

景德四年九月辛巳以工部員外郎兼侍御史知

雜事王濟為工部郎中知杭州本傳字巨川性剛

直無所畏避出知杭州真宗面加尉諭大中祥符

四年遷刑部郡城西有錢塘湖可溉田千餘頃歲

久湮塞命工濬治增置斗門以備潰溢之患仍以

白居易舊記刻石湖側民頗利之徙知洪州

戚綸

大中祥符三年九月壬午以樞密直學士戶部郎

中戚綸知杭州就加左司郎中五年正月甲戌綸

與轉運使陳堯佐言浙江壞岸漸逼州城望遣使
自京師部埽匠壕寨赴州工役詔從之令馳驛而
往命轉運使更互檢校遂以埽岸易柱石之制雖
免水患而眾頗非其變法七年三月癸卯徙知揚
州綸本傳字仲言應天府楚邱人

薛顏

大中祥符七年三月癸卯以司封郎中薛顏爲太
僕少卿知杭州八年七月丁卯以新修冊府元龜
分送洪杭二州

馬亮

大中祥符九年九月己酉徙工部侍郎知昇州馬

第三卷

九

亮知杭州丁卯詔如聞杭州葺江岸卒執役水中
苦足疾而死者甚眾宜令知州馬亮拯療之十月
己卯加集賢院學士亮本傳字叔明有治劇才先
是江濤大溢調兵築隄而工未就詔問亮所以捍
江之策亮至禱於伍員祠下明日潮爲之卻又出
橫沙數里隄遂以成又上言近歲以來父祖未葬
而多別財異爨甚傷風教請自今未葬者不得析
居明年改工部侍郎知廬州

眞宗朝致
仕諡忠肅

王欽若

天禧三年六月甲午制尙書左僕射兼中書門下
平章事王欽若除太子太保判杭州又詔曰鈞衡

翊贊素彰勤盡之心藩翰鎮臨方伉惠和之績眷
言寄任用示獎稱眞宗御製七言十韻詩一首賜
之早自外朝登近侍克符昌運振嘉名一參黃閣
推良畫再陟鴻樞顯至榮該博古今常獻納勤勞
夙夜每專精石渠撰述多文備日觀封崇大禮成
宰府調元心匪懈眞宮兼職望彌清龍樓進秩恩
尤異熊軾爲藩任不輕二浙奧區期惠化三吳佳
致悅高情重重山水舟中見處處壺漿陌上迎旣
肅邇遐安外域更分宵旰撫黎氓予衷側席方毗
倚伉有甘霖播頌聲仍命依韻和進

舊刻石於天慶觀

禧四年八月甲申召知相州

第三卷

十

王隨

天禧四年九月己酉朔以右諫議大夫兼太子右
庶子權知開封府王隨爲給事
中知杭州乾興元
年二月戊辰授祕書少監知通州

李及

乾興元年三月壬申以樞密直學士給事中李及
知杭州天聖元年九月丁亥徙知應天府兼南京
留守司本傳字知幾資性清介所治尙簡嚴喜尉
薦下吏而樂道人之善在杭州惡其風俗輕靡未
嘗事燕游一日微雪遽出郊眾謂當命賓朋爲高
會乃獨造處士林逋清談至暮而歸任中不市物

及去惟買白樂天集一部天聖六年卒謚恭惠

周起

天聖元年九月丁亥徙知揚州祕書監周起知杭

州

馬亮再除

天聖四年三月庚辰徙知亳州工部尚書集賢院

學士馬亮知杭州未行復知亳州是年四月戊午

徙周起知應天府兼南京留守司

胡則

天聖四年戊午徙太常少卿知福州胡則為諫議

大夫知杭州

第三卷

士

李諮

天聖六年正月戊午以右諫議大夫知洪州李諮

為給事中知杭州七年十月丙戌徙知永興軍

朱異

天聖七年以左諫議大夫給事中新知河中府朱

異知杭州八年四月甲申為集賢院學士五月乙

丑徙知揚州本傳字順之揚州天長人忠愿自守

真宗稱為長者

陳從易

天聖八年五月癸亥以左諫議大夫知制誥陳從

易為龍圖閣直學士知杭州從易本傳字簡夫泉

州人九年正月卒於官

張觀

天聖九年二月己丑以右司諫知制誥張觀爲尙書兵部員外郎知杭州觀本傳字思正絳州人眞宗朝以服勤辭學科擢爲第一初名正觀至是御筆去上一字知杭州再遷刑部郎中代還判國子

監累除同知樞密院
事拜尙書左丞

胡則

再除

明道二年四月甲子徙知陳州尙書刑部侍郎胡則知杭州景祐元年四月甲辰除兵部侍郎致仕則本傳字子正婺州永康人少有清名尙風義眞

第三卷

三

宗仁宗擢用焉

鄭向

景祐元年四月丙午以尙書兵部郎中知制誥鄭向爲龍圖閣直學士知杭州三年四月庚午杭州言向卒本傳字公明開封陳留人

俞獻卿

景祐三年四月辛未以右諫議大夫俞獻卿爲集賢院學士知杭州四年十二月庚午爲給事中本傳字諫臣歙州人眞宗朝嘗爲杭州仁和令暨知杭州一日暴風江湖溢決隄勢不可禦獻卿鑿西山石作隄數十里民用便之賜詔褒諭

柳植

寶元元年六月癸未徙知蘇州尚書工部郎中知制誥柳植知杭州二年八月辛未以植爲翰林學士

司馬池

寶元二年八月丁丑徙知同州尚書工部郎中天章閣待制司馬池爲兵部郎中知杭州康定元年九月辛酉移知虢州

張若谷

康定元年九月辛酉以知應天府樞密直學士尙書刑部侍郎張若谷爲龍圖閣直學士知杭州慶

第三卷

三

曆元年五月壬申徙知鄭州

鄭戩

慶曆元年五月辛未以樞密副使右諫議大夫鄭戩爲資政殿學士知杭州二年六月癸未除給事中知并州戩本傳字天休蘇州人性強毅明俊意有所欲必行之西湖溉民田數百頃歲久不治葑泥湮塞又爲豪族與僧寺規占甚多戩乃發屬縣丁數萬盡闢之民賴其利後有詔歲常修導

蔣堂

再除

慶曆二年六月甲午以尙書戶部郎中天章閣待制知應天府蔣堂爲左司郎中知杭州三年六月

丁巳除樞密直學士知益州堂本傳字希魯宜興人始知杭州徙益州移河中府再知杭州

宋祁

慶厯三年七月丁卯以尙書禮部郎中知制誥宋祁爲龍圖閣直學士知杭州本傳云未行改翰林學士知審刑院

楊偕

慶厯三年九月壬辰以知越州翰林侍讀學士尙書左司郎中楊偕知杭州偕本傳字次公性剛朴敢爲大言慶厯三年知審官院求知越州道改杭州上太平可致十象圖還判太常寺

第三卷

古

方偕

慶厯五年十月戊寅徙淮南江浙荆湖制置發運使尙書兵部員外郎天章閣待制方偕知杭州六年六月甲戌轉刑部郎中七年七月庚子除太常少卿分司西京本傳字齊古莆田人本以吏事進而杭訟牒素煩遣決無留事以病故分司

范仲淹

皇祐元年正月乙卯以知鄧州資政殿學士給事中禮部侍郎范仲淹知杭州七月癸卯加尙書禮部侍郎二年十月戊辰加戶部侍郎十一月辛酉徙京東東路安撫使知青州本傳字希文自樞密

副使除參知政事以疾請知鄞州徙杭州內剛外
和所至有恩里巷之子皆知其名字

正 盜文

張方平

皇祐二年十一月辛酉以知江寧府端明殿學士
兼龍圖閣學士給事中張方平知杭州本傳字安
道宋城人慷慨有節氣知杭州言畿內稅賦之重
及請減定刺配刑名由是畿縣稅損元額十三刺
配法亦稍裁之遷禮部侍郎知滑州

累遷參知政
事諡文定

呂溱

皇祐三年六月甲午以起居舍人呂溱知杭州本
傳字濟叔揚州人舉進士第一累遷知制誥知杭

第三卷

七

州爲人簡倨接賓客不過數言時人目爲七字舍
人然開敏善議論一時名人多推許之自杭州除
糾察在京刑獄旬當三班院

孫沔

皇祐五年四月壬午以樞密直學士給事中孫沔
知杭州行至南京召爲樞密副使本傳字元規會
稽人明敏果敢有吏材所在皆著能迹其知杭州
仁宗解御帶賜之

李兌

皇祐五年八月己未以尙書吏部員外郎天章閣
待制知諫院李兌爲戶部郎中知杭州本傳字子

西許州人知杭州日仁宗飛白書安民字以賜之
介靜簡嚴年老而精明有所舉措要使民便安之
孫沔再除

至和元年二月壬戌以樞密副使給事中孫沔為
資政殿學士知杭州嘉祐元年八月戊午加資政
殿大學士京東東路安撫使知青州
何中立

嘉祐元年八月壬戌徙知陳州樞密直學士尚書
刑部郎中何中立知杭州二年八月癸酉杭州言
中立卒本傳字公南許州人頗工文詞

梅摯

第三卷

七

嘉祐二年九月戊寅以龍圖閣直學士尚書吏部
郎中梅摯知杭州三年六月丙辰徙知江寧府本
傳云字公儀成都府人性澹靜不為矯厲之行所
治如其為人雅好詩時有警句其知杭州仁宗賜
詩寵行地有湖山美東南第一州剖符宣政化持
橐輟才流暫出論思列遙分旰屣憂循良勤撫俗
來暮聽歡謳摯以詩之首章名堂為有美命歐陽修撰記

刻石

唐詢鄉郡

嘉祐三年六月丙辰以知蘇州尚書禮部郎中知
制誥唐詢知杭州五年九月甲辰除吏部郎中本

傳字彥猷杭州錢塘人

餘具人物門

施昌言

嘉祐五年九月甲辰以知鄧州樞密直學士給事中施昌言爲尚書刑部侍郎知杭州七年八月甲申除龍圖閣學士涇原路經略安撫使本傳字正臣通州靜海人

沈遵

鄉部

嘉祐七年八月甲申以起居舍人知制誥沈遵爲尚書禮部郎中知杭州本傳字文通杭州人自越州徙知杭州遷吏部郎中召爲句當三班院爲人輕雋明敏通達世務其治杭令行禁止人有貧不

第三卷

七

能葬及女子孤無以嫁者以公使錢葬嫁數百人倡優養良家女爲己子者奪歸其父母接遇士大夫多得其歡心所部吏尤樂傾盡爲之耳目刺閭巷間事纖悉卽知故事至立斷眾莫不駭伏小民有犯情稍不善不問法輕重斷訖疆刺爲卒刺者數百人人屏息不敢犯議者以其嚴比孫沔然沔苛暴銳於懲惡至邁善人亦懼焉晨起治事及午事畢出與賓舊往還從容談笑以示有餘士大夫交稱其能

王琪

治平元年九月甲戌以樞密直學士同判太常寺

王琪知杭州十一月己亥轉右諫議大夫二年徙知揚州本傳字君玉成都人以詩知名於世

蔡襄

治平二年二月以三司使給事中蔡襄爲端明殿學士尙書禮部侍郎知杭州本傳字君謨興化軍仙游人爲政精明吏不能欺三年五月甲寅徙知應天府

胡宿

治平三年四月庚戌以樞密副使尙書禮部侍郎胡宿爲尙書吏部侍郎觀文殿學士知杭州四年六月甲子以太子少師致仕本傳字武平常州晉

第三卷

六

陵人清儉謹默內剛外和其莅官治事重不輒發發亦不可回臨民篤恭不略細故人尤愛之宗卽位遷左丞以疾卒於杭州學問文章人多稱

述之

諡曰文恭

呂溱

再除

治平四年六月甲戌以給事中集賢院學士呂溱爲龍圖閣直學士再知杭州九月辛丑除知開封府

祖無擇

治平四年十月丁未以右司郎中知鄭州祖無擇爲右諫議大夫加龍圖閣學士知杭州

鄭獬 熙寧二年五月癸未以翰林學士尚書兵部員外

郎鄭獬為翰林侍讀學士戶部郎中知杭州三年

四月己卯徙知青州本傳字毅夫安州人舉進士

第一

趙抃 熙寧三年四月己卯以右諫議大夫參知政事趙

抃為資政殿學士知杭州十二月庚申徙知青州

本傳字閱道衢州西安人和易長厚氣貌清逸所

至必興學校勸獎後進為政視其俗之厚薄與事

多寡設施為術不同杭州故多盜聞抃性寬細民

益聚為盜抃取其情重者配他州盜遂散去境內

以清

第三卷 五

沈立 熙寧三年十二月庚申以知越州右諫議大夫沈

立知杭州本傳字立之和州人知越州移杭州除

審官西院勤於職事所得圭租多以市書

陳襄 熙寧五年五月乙未以知陳州尚書刑部郎中知

制誥陳襄知杭州熙寧七年六月己巳徙知應天

府本傳字述古福州人有學行所至務先學校至

親為講解好薦達人才喜愠不形於色為政多慕

古人所爲

楊繪

熙寧七年六月己巳以知應天府翰林侍讀學士

尚書禮部侍郎楊繪知杭州

與陳襄兩易其任

本傳字元

素漢州人爲翰林學士御史中丞出知應天府徙

杭州再入爲翰林學士兼侍讀

沈起

熙寧七年九月丙申徙知潭州尚書刑部郎中天

章閣待制沈起知杭州本傳字興宗明州人爲人

寬和臨事明敏

蘇頌

第三卷

三

熙寧九年正月丙寅以祕書監集賢院學士蘇頌

知杭州本傳字子容時以吳越荐饑自句當三班

院選知杭州召爲提舉中太一宮修仁宗英宗正

史

章惇

熙寧十年五月庚申以知湖州右正言知制誥章

惇知杭州未行爲翰林學士

趙抃

再除

熙寧十年五月癸亥以知越州資政殿大學士右

諫議大夫趙抃知杭州十月戊子抃言吳越國王

錢氏有墳廟在錢塘臨安縣棟宇頽圯林木荒穢

欲令兩縣選僧道主管歲度其徒各一人從之朝
旨欲修杭州城并度出於人者數千萬獨奏杭人
新罹旱災未可興工乃罷役并告老元豐二年以
舊職加太子太保致仕

自號知非
子諡清獻

鄧潤甫

元豐二年正月己丑以右諫議大夫知撫州鄧潤
甫知杭州四年四月乙酉除龍圖閣直學士徙知
成都府本傳字聖求建昌人

累遷尚書左
丞諡安惠

張詵

元豐四年四月乙酉以龍圖閣直學士知成都府
張詵知杭州本傳字樞言浦城人既除知杭州將

第三卷

三

行詔權知熙州經略熙河事既而赴杭州哲宗卽
位遷正議大夫請解郡事除提舉杭州洞霄宮

呂公孺

元豐八年四月丁丑以正議大夫呂公孺知杭州
未行五月丙辰除龍圖閣直學士知鄆州本傳字
稚卿故相夷簡之子初知陳州徙杭州再知鄆州

蒲宗孟

元豐八年七月庚戌以新知揚州太中大夫資政
殿學士蒲宗孟知杭州元祐二年十一月己酉徙
知鄆州本傳字傳正閬州人

集錢詩自宋齊以
來至元豐間凡三

餘篇爲三十
卷行於世

楊繪

元祐二年十一月庚申以知徐州朝散大夫天章閣待制楊繪知杭州本傳神宗朝知杭州入爲翰林學士兼侍讀英宗卽位再知杭州元祐三年六月杭州言繪卒繪吏事敏給主於愛利雖胥史皁隸有過多容之

熊本

元祐三年六月癸巳以龍圖閣待制知越州熊本知杭州四年五月庚午徙知江寧府

蘇軾

元祐四年三月丁亥以翰林學士蘇軾爲龍圖閣

第三卷

三

學士知杭州六年正月丙戌除吏部尚書本傳字子瞻眉州人熙寧四年通判杭州後十六年復爲郡守歲適水潦饑疫相仍軾爲請於朝得減上供米三分之一故穀不翔踴復以所賜度牒益市粟濟飢殍明年賤糶常平米又作糜粥遺人命醫官分治疾病賴以全活者甚眾開西湖疏茆山鹽橋河修治堰閘濬城中六井與民興利除害講究甚悉郡人德之爲立祠堂六年召爲翰林學士承旨

熊本

再除

元祐六年正月丙戌以龍圖閣待制知江寧府熊本知杭州本傳字伯通鄱陽人初除越州道移杭

州徙江寧府遷中大夫復除杭州未行召還

林希

元祐六年二月癸巳以朝奉大夫天章閣待制知

潤州林希知杭州是年三月癸酉詔遷一官七年

十月丁丑除禮部侍郎

累遷同知樞密院事

王存

元祐七年八月癸亥以吏部尚書知大名府王存

知杭州紹聖元年八月丁丑提舉江寧府崇禧觀

陳軒

紹聖元年八月乙酉以知廬州龍圖閣待制陳軒

知杭州三年八月辛巳徙知江甯府本傳字元興

第三卷

三

建州建陽人嘉祐八年舉進士第二

韓宗道

紹聖三年八月辛巳以知瀛州太中大夫寶文閣

待制韓宗道知杭州本傳字持正眞定人知杭州

以疾請詔以舊職加通議大夫致仕命未下四年

卒

李琮

紹聖四年七月戊辰以刑部侍郎李琮爲寶文閣

待制知杭州元符元年八月丙子徙知永興軍

虞策

鄉郡

元符元年八月丙子以龍圖閣待制新知永興軍

虞策知杭州未行九月己酉除戶部侍郎

林希 再除

元符元年九月己酉以中大夫知亳州林希知杭

州

豐稷

元符 年 月 以龍圖閣待制豐稷知杭州

三年四月己酉除諫議大夫

呂惠卿

元符三年四月己酉以檢校司徒鎮南軍節度使

知延安府呂惠卿知杭州建中靖國元年三月癸

亥爲觀文殿學士右銀青光祿大夫提舉杭州洞

第三卷

三

霄宮

龔原

建中靖國元年三月癸亥以承議郎知壽州龔原

爲寶文閣待制知杭州是月戊子爲集賢殿修撰

知揚州

陳軒 再除

建中靖國元年三月戊子以龍圖閣直學士新知

揚州陳軒知杭州崇寧元年四月癸卯徙知福州

鄒浩

崇寧元年四月癸亥以寶文閣待制知江寧府鄒

浩知杭州五月己卯移知越州

呂惠卿

再除

崇寧元年閏六月己未以右銀青光祿大夫提舉

杭州洞霄宮呂惠卿爲觀文殿學士知杭州八月

移知揚州

蔣之奇

崇寧元年十月癸亥以知樞密院事蔣之奇爲觀

文殿學士知杭州

宇文昌齡

崇寧二年九月乙巳以寶文閣待制知越州宇文

昌齡知杭州四年三月以中大夫致仕

王寧

第三卷

五

崇寧四年六月戊子以尙書吏部侍郎王寧爲顯

謨閣待制知杭州七月丙申改知海州

曾孝廣

崇寧四年七月丁巳以戶部尙書曾孝廣爲天章

閣待制知杭州十一月丙午徙知泰州

呂惠卿

三除

崇寧五年八月癸酉以觀文殿學士知青州呂惠

卿知杭州

曾孝蘊

大觀元年四月辛未以顯謨閣待制淮南江浙荆

湖等路發運使曾孝蘊知杭州旣而改知濠州

朱彥

大觀元年五月戊申以顯謨閣待制新知洪州朱彥知杭州四年正月庚申徙知潁昌府

王渙之

大觀二年三月辛酉以顯謨閣待制知潭州王渙之知杭州

席震

大觀三年三月壬午以徽猷閣待制知潭州席震知杭州是年五月丁卯改知廣州壬申復知杭州

蔡蕤

大觀三年七月丁未以奉議郎知和州蔡蕤爲顯

第三卷

三

謨閣待制知杭州十月甲戌除給事中

張商英

大觀三年十二月癸酉以通議大夫提舉成都府玉局觀張商英爲龍圖閣學士知杭州乘驛赴闕

四年二月辛未除資政殿學士中太一宮使

劉達

大觀四年二月壬辰以中大夫提舉亳州明道宮劉達知杭州本傳字公達隨州隨縣人元豐二年

舉進士第三四年六月庚午除資政殿學士癸未

詔乘驛赴闕

張閣

大觀四年九月壬申以翰林學士張閣爲龍圖閣學士知杭州本傳字臺卿河陽人杭久闕守郡事廢弛閣經理有敘首去惡少之爲民害者郡人爲立生祠召爲兵部侍郎

龐寅孫

政和元年九月辛酉以司農卿龐寅孫爲顯謨閣待制知杭州三年六月丙子除徽猷閣直學士

董正封

政和四年八月甲子以中大夫集賢殿修撰董正封爲徽猷閣待制知杭州

李偃

第三卷

七

政和五年八月甲辰以起復集賢殿修撰李偃爲徽猷閣待制知杭州十二月癸亥徙爲河南尹偃嘗奏湯村巖門白石等處並邊錢唐江通大海日受兩潮漸致侵囓乞依六和寺岸用石砌壘詔令轉運使劉旣濟措置

趙矇

政和六年閏九月戊辰以中奉大夫右文殿修撰京畿轉運使趙矇爲徽猷閣待制知杭州宣和元年八月丙戌移知潭州

趙霆

宣和元年八月丙戌以徽猷閣待制江淮荆浙等

路發運使趙霆知杭州二年十二月丁亥徙知青州

曾孝蘊

再除

宣和二年十二月丁亥以朝請大夫天章閣待制新知睦州曾孝蘊知杭州

虞奕

鄉郡

宣和三年正月辛酉以起復龍圖閣直學士新知杭州虞奕知鎮江府是年四月丁酉以知杭州曾孝蘊爲顯謨閣直學士

蔡蕤

再除

宣和三年十月辛未以通議大夫提舉嵩山崇福

第三卷

五

宮蔡蕤知杭州四年十一月癸巳詔龍圖閣直學士知杭州蔡蕤提舉南京鴻慶宮

翁彥國

宣和四年十二月甲午以朝散大夫徽猷閣直學士知江寧府翁彥國知杭州七年十一月辛巳除提舉南京鴻慶宮

唐恪

宣和七年十一月辛巳以延康殿學士正議大夫知潭州唐恪知杭州靖康元年正月己巳除吏部尚書

翁彥國

再除

靖康元年正月己巳以朝散大夫徽猷閣直學士翁彥國知杭州是月乙未改知鎮江府

毛友

靖康元年三月甲辰以朝請大夫延康殿學士毛友知杭州是年十月乙巳除宮祠

葉夢得

靖康元年十月乙卯朝散大夫葉夢得復龍圖閣

待制知杭州

錢伯言

建炎元年八月丁丑以龍圖閣直學士錢伯言知

杭州

第三卷

完

侍其傳

建炎元年九月丁未朝議大夫直祕閣知真州侍其傳特授集英殿修撰知杭州二年四月十四日

徙知宣州

康允之

建炎二年七月庚戌以徽猷閣待制康允之知杭

州三年八月罷

通判軍州安自強權州事

是年十一月三日改

杭州為臨安府

季陵

建炎四年四月以閣待制季陵知臨安府

胡舜陟

建炎四年六月戊寅以徽猷閣待制胡舜陟知臨安府是年八月丁憂解官

李光

建炎四年九月甲寅以徽猷閣待制李光知臨安府紹興元年正月三日徙知洪州

孫覲

紹興元年正月三日朝奉郎提舉江州太平觀孫覲除龍圖閣待制知臨安府

紹興題名記

安撫敷文湯公帥臨安之明年暇日謂其屬吏何溥曰臨安為東南一都會登郡而府有年於茲異

第三卷

三

時名公鉅卿旌棨相望流風美政播在人口至今故老能言之矧惟皇帝時巡警蹕所在呼吸四方根柢萬寓其事勢增重實視古京兆自始幸距今凡二十年帥臣代易僅以十數至問其姓名輒不可盡得間訪而得之往往不能以次對豈非題名不立之故哉予將編列其人勒之堅石以植於府治之東偏庶幾來者有攷焉予其為我記之溥既承命退而考求其故維臨安舊為杭州領浙西兵馬鈐轄宣和間改安撫使至建炎而陞為府未幾鈐轄如舊自紹興駐蹕以來事任非曩比故使名復立至今凡為帥十有六人於是為記紹興十九

年六月二十七日府學教授兼權太學博士何溥記
席益

紹興元年十一月二十六日朝奉郎起居舍人席
益除集英殿修撰知臨安府二年正月十八日徙
知衢州

宋輝

紹興二年正月十八日朝議大夫直龍圖閣發運
副使宋輝除祕閣修撰知臨安府三年二月二十
五日除宮祠

盧知原

紹興三年三月初五日以右中奉大夫徽猷閣待

第三卷

三

制都督府參謀官盧知原知臨安府是年六月二
十七日除宮祠

梁汝嘉

紹興三年七月初三日右朝郎直祕閣兩浙轉運
副使梁汝嘉除直龍圖閣知臨安府六年八月初
五日除戶部侍郎

李謨

紹興六年八月二十九日以左中奉大夫直寶文
閣知鎮江府李謨知臨安府七年正月初八日復
知鎮江府

呂頤浩

紹興七年二月二十七日鎮南軍節度使知潭州
呂頤浩除少保知臨安府八年正月初八日召赴
行在

張澄

紹興八年二月二十九日以右朝請大夫集英殿
修撰知建康府張澄知臨安府十年六月初一日
除戶部侍郎

蔣璨

紹興十年六月初一日以右中奉大夫直龍圖閣
兩浙轉運副使蔣璨知臨安府是年八月二十二
日復爲兩浙轉運副使

第三卷

三

張匯

紹興十年八月二十四日以右朝散大夫直祕閣
兩浙轉運副使張匯知臨安府是年九月二十一
日復爲兩浙轉運副使

俞俟

紹興十年九月二十六日右朝請大夫直祕閣知
揚州俞俟除祕閣修撰知臨安府十二年十一月
初四日除敷文閣直學士提舉江州太平觀

王喚

紹興十二年十一月初四日右中大夫集英殿修
撰兩浙轉運副使王喚除敷文閣待制知臨安府

十三年八月初八日除工部侍郎

張叔獻

紹興十三年八月八日以右朝奉郎直龍圖閣兩浙轉運副使張叔獻知臨安府十四年十一月初三日改知紹興府

張澄

再除

紹興十四年十一月初三日以龍圖閣學士右宣奉大夫知紹興府張澄知臨安府十六年九月十八日除慶遠軍節度使改知温州

沈該

紹興十六年十月初五日以左朝散大夫直祕閣

第三卷

三

兩浙轉運判官沈該知臨安府十七年八月十四日除權禮部侍郎

趙不奔

紹興十七年八月十四日右中奉大夫權工部侍郎趙不奔除敷文閣待制知臨安府十八年六月十九日除工部侍郎

湯鵬舉

紹興十八年六月十九日左中奉大夫直祕閣兩浙轉運判官湯鵬舉除直敷文閣知臨安府十九年八月十七日除司農卿

宋貺

紹興十九年八月二十三日以右通奉大夫權尙書戶部侍郎宋貺兼權知臨安府二十一年閏四月十二日轉正奉大夫罷

趙士黻

紹興二十一年閏四月十三日以左朝請大夫兩浙轉運判官趙士黻兼權知臨安府是年九月十三日除直祕閣十九日正除知府二十三年九月二十三日除直敷文閣改知紹興府

曹泳

紹興二十三年九月二十三日右朝請大夫直徽猷閣知紹興府曹泳除直顯謨閣知臨安府十月

第三卷

三

初三日到任二十四年十一月十七日兼權戶部侍郎二十五年十月二十三日罷

韓仲通

紹興二十五年十月二十四日以右通奉大夫權刑部尙書兼權詳定一司敕令韓仲通兼權知臨安府二十六年三月十七日除戶部尙書依舊兼府事

榮堯

紹興二十六年九月八日右朝請大夫知常州榮堯除直祕閣知臨安府二十七年二月十一日以職事修舉轉右朝議大夫繼以磨勘轉右中奉大

夫七月十一日除權戶部侍郎

張偁

紹興二十七年七月十一日以右朝議大夫直祕閣兩浙轉運判官張偁知臨安府是年十二月除直敷文閣二十八年九月轉右中奉大夫十一月除直顯謨閣二十九年閏六月初九日除祕閣修撰知明州

趙子瀟

紹興二十九年閏六月初九日左朝請大夫直祕閣權發遣兩浙路計度轉運副使趙子瀟除直敷文閣權發遣臨安府三十年二月十五日除戶部

第三卷

侍郎

錢端禮

紹興三十年二月十五日右中大夫充祕閣修撰兩浙路計度轉運副使錢端禮除右文殿修撰知臨安府是年七月十一日除戶部侍郎

黃仁榮

紹興三十年七月十一日右中奉大夫直祕閣兩浙路計度轉運副使黃仁榮除直敷文閣知臨安府是年九月初三日丁母憂

錢端禮

再除

紹興三十年九月初四日以右太中大夫權尚書

戶部侍郎錢端禮兼權知臨安府三十一年正月

十九日罷

趙子瀟再除

紹興三十一年正月十九日左朝議大夫權尚書

戶部侍郎趙子瀟除敷文閣待制知臨安府三十

二年九月十七日除尚書戶部侍郎仍兼知府事

隆興元年正月十八日罷

林安宅

隆興元年正月十八日左朝請大夫尚書左司郎

中林安宅除直顯謨閣知臨安府是年五月二十

九日除主管台州崇道觀

第三卷

三

陳輝

隆興元年六月二日以右朝請大夫直祕閣兩浙

轉運副使陳輝兼權知臨安府是年七月三日除

直敷文閣知府事二年四月四日改知建寧府

諱自陳改知湖州

黃仁榮再除

隆興二年四月初八日以右中奉大夫直敷文閣

兩浙轉運副使黃仁榮知臨安府是年十一月二

十六日罷

吳芾

隆興二年十一月二十六日左朝議大夫試尚書

吏部侍郎吳芾除敷文閣直學士知臨安府是年
十二月初五日復爲吏部侍郎

薛良朋

隆興二年十二月初五日以左朝奉大夫直顯謨
閣兩浙轉運副使薛良朋知臨安府乾道元年七
月十八日以警戢盜賊究心職事除直龍圖閣二
年五月十一日除權工部侍郎

王炎

乾道二年五月十一日右朝奉大夫兩浙轉運副
使王炎除直敷文閣知臨安府十二月十三日以
職事修舉除祕閣修撰三年五月二十六日除敷

第三卷

三

文閣待制知荆南府

周淙

再任

乾道三年五月二十六日以右朝請大夫直龍圖
閣兩浙轉運副使周淙知臨安府先是紹興二十
五年嘗通判府
事
至乾道五年二月十五日以職事修舉除祕閣
修撰乾道四年十一月十四日磨勘轉右朝議大
夫五年七月初四日除右文殿修撰再任

臨安志卷第三終

長興周滄彥廣撰臨安志十五卷直齋書錄譏其首
卷爲行在所於宮闕殿閣全不記載其他沿革亦多
疎略此書世所罕傳萬厯中吾郡陳布政善修府志
時已不得見孫君晴厓得宋槧本於京師故家祇一
卷至三卷所載園亭坊巷及職官姓氏爲潛君高咸
滄志藍本其他惜無從更覓然斷珪殘璧爲此邦文
獻計已不啻寶如圖球志稱乾道三年五月二十六
日以右朝請大夫直龍圖閣兩浙轉運副使知臨安
府先是紹興五年嘗通判府事宋史本傳但言宣和
閒以父任爲郎歷官至通判建康府志稱乾道四年
十月十四日磨勘轉右朝議大夫五年七月初四日

乾道臨安志跋

一

除右文殿修撰再任本傳但言進右文殿修撰提舉
汀州太平興國宮以歸無再任臨安事此可以補史
之闕咸滄志載滄濬湖撩草諸善政孝宗手敕獎諭
本傳但言其開河一事亦似過略堇浦杭世駿跋

乾道臨安志十五卷宋臨安府尹吳興周淙彥廣所
修也此宋槧本僅一卷至三卷無序目可稽觀其稱
孝宗爲今上紀職官至淙而訖其爲乾道志無疑吾
郡志乘之有名者北宋圖經久已無攷至南渡建爲
行都則此志居首繼之以施鏐淳祐志潛說友咸淳
志皆爲宋人排纂余所見者祇有咸淳志百卷向在
花山馬氏吳君尺鳧鈔藏尙缺七卷趙君谷林復購
得宋槧本之半固已珍如珠璧今孫君晴厓從都下
獲此志雖僅十之一二當時宮闕官署城中橋梁坊
巷具有職官始末更爲詳晰諸家藏著錄未有及此
者淙尹京時據湖濬渠綽有政績載在宋史其書更
可寶也亟錄副本而歸之樊榭屬鸚鵡跋

乾道臨安志跋

二

07187



